



**D. DIONYSII // A RICKEL CARTHVSIANI, // de perfecto
mundi contemptu, // ut pius ita utilissimus heptalo- // gus**

Dionysius <der Kartäuser>

Coloniae, Nov. 1530

De enormitate peccati ex parte maiestatis & autoritatis diuinæ, quæ in
peccato inhonorat.

Nutzungsbedingungen

[urn:nbn:de:hbz:466:1-55472](https://nbn-resolving.org/urn:nbn:de:hbz:466:1-55472)

DIONYSIUS CART.

Coloss. 3.

glorificantes se glorificat in æternum. Denique diligentes se diligunt: timentes se exaudit, sperantes in se saluat. Quemadmodum autem peccatum mortale charitati diuinæ omnino repugnat & tollit: sic veniale diuinæ charitatis feruori & perfectioni aduersatur. Ne ergo in nobis amor dei pescat, aut minoretur: etiam uenialia diligentissime, quantum fieri potest, vitemus, deploramus & emendemus: quatenus in diuinitatis sancto amore quotidie feruentiores efficiamur. At uel sicut iuxta inducta mortale peccatum committitur, dum creaturæ magis quam creatori inhaeretur: sic veniale peccatum incurrimus, dum rei creaturæ inordinate afficimur, tamen citra deum.

De enormitate peccati ex parte maiestatis & autoritatis diuinæ, quæ in peccato innotatur.

Art. VI.



Vanto is in quem peccatur maioris est dignitatis, sublimioris autoritatis, eminentiorisque maiestatis: tanto peccatum reputatur enormius. si quis offendat episcopum, grauius est quam si peccet in simplicem sacerdotem. Quod igitur deus, contra cuius legem, & contra quod omne peccatum mortale committitur, sit purius infinitæ maiestatis, incomparabilis dignitatis, & per altissimæ autoritatis: certissime innotet quod peccatum ex hac parte sit quodammodo infinitæ enormitatis, atque incomparabiliter grauius omni offensa in puram creaturam (vel in angelum) commissa. Rursus quanto præceptor auctoritate fuerit maior atque sublimior: tanto enormius iudicatur eius iussionibus non obedire, eius

Psal. 49.

Psal. 135

Iob. 36.

Esai. 33

Psal. 148

negligere. Cum ergo præceptor ac legifer noster sit deus deorum, dominus dominorum, rex regū, & princeps vniuersorum, cui sicut scriptum est. Nullus similis est in legislatoribus: de quo item legitur, Dominus iudex noster, dominus legifer noster, dominus rex noster: constat q̄ sicut ipse est incōparabilis sublimitatis, atq̄ incircumscriptibilis maiestatis: sic eius præceptis nō obedire, ea parui pendere, dissimulare, negligere sit incōparabilis & quasi immensæ enormitatis, peruersitatis & impietatis. Nempe si graue ac nimis iniquū est patri carnali, mortali, & peccatori non obedire, non acquiescere, non deferre honorem: nonne impiissimum est patri spirituum, creatori æterno, sancto, omnipotēti, immortalique deo nō obedire, acquiescere, & deferre? Ipse equidem est ille magnus dominus & laudabilis nimis, cuius magnitudinis (id est perfectionis, dignitatis, & gloriæ) non est finis: quem ipse quoq̄ Porphirius magnus Plonicus appellat regem ac patrē deorum, quem & ipsa numina perhorrescunt. Quod in libro de ciuitate dei Augustinus a Porphirio dictum frequenter commemorat. Denique cum lex euangelica ab ipso dei vnigenito filio, vero utiq̄ deo, immediate collata est, iusta atq̄ proposita: constat eam diligentissime obseruandam, ita vt multo enormius sit eam præuaricari: quam fuerat olim legem Mosis transgredi, quæ a deo proposita est populo, mediantibus angelo ac Mose. Hinc quippe ad Hebræos ait apostolus. Irritam quis faciens legem Mosis, sine vlla miseratione duobus vel tribus testibus moritur: quanto magis putatis deteriora mereri supplicia, qui filium dei conculcauerit, & sanguinē testamenti pollutum

ti pollutum duxerit, & spiritui gratiæ contumeliam fecerit? Præterea post cœnam illam sanctissimam nouissimam Christus passioni iam proximus, in ipsa nocte qua tradebatur inter cæteros dixit apostolis, Si non venissem, & locutus essem, peccatum non haberent. Quoniam ergo

Iohan. 15

Hebræ. 1

Christus dominus rex Messias iam venit, atque in propria persona loquutus est patribus nostris & nobis per ipsos, enitatur ei in omnibus obviare: alioquin peccata nostra erunt vehementer enormia. Heu quare negligimus, cur inertit tempore deprimimur, cur vitiorum sopore tabescimus? Ista mi amantissime profunde considera, vigilanter perpende, iugiter intuere, & super exaltati illius, vniuersorum dominatoris offensam abhorre, inhonationem deuota, mandata

Esai. 6.

studii. Ipse est enim cui, teste scriptura, exercitus angelicum reuerentiali timore assistit, cuius iram nemo resistere potest, sub quo curuantur qui portant orbem, ad cuius nutum columnæ cœli contremiscunt, & pauent. Ecce enim cœlum & cœli cœli, abyssus vniuersaque terra, et omnia que in eis sunt, in conspectu dei commouebuntur, & in eius offensam non meruit, qui nullum peccatum relinquit inultum, ac pro vno mortali peccato æternum infligit tormentum.

De enormitate peccati ex parte sanctitatis atque iusticiæ mentis diuinæ.

Art. VII.



Constat, omni menti bene dispositæ peccati labem tanto amplius discere: quanto fuerit ipsa sanctior, magisque iusta. Quoniam ergo mens